

Préf. - La Liounido - Fr. Savinian - 1910

La Liounido

En Savinian, lou felibre majourau qu'a counsacra sa vido à la lèimo ensignanço dis enfant de la Prouvènço, vèn de courouna soun obro pèr un pouèmo egrègi en lengo prouvençalo, *La Liounido*, que, pèr lou biais dóu francés espan di vis à vis, fara veïre is escoulan li raport dí dos lengo emai si variacioun.

Rèn de mai naturau e de mai simple, rèr de mai propre pèr relarga l'entegue dis enfant de noste pople que, latin d'ourigino, es dubert de naturo en tóuti li regiscle de la grand font roumano.

Lou sujèt dóu pouèmo es forço urousamen chausi: la pountannado epico dis envasioun sarrasino, qu'an leissa tant de remembre dins la memòri populàri, epoco ounte se coungreièron li legèndo eroüico di vièii cansoun de gèsto e lou sentimen naciounau de nosto Prouvènço crestiano, chaupinado pèr li Mouro, barbaramen destrüssi. La defènso dóu païs, la lucho espetaclouso entre li dos raço enemigo, lucho encarado mai-que-mai pèr li dos religioun countràri, fan espeli dins lou raconte tout un coumbour de grand fa d'armo e d'auvèri cavaleirous, qu'es ço que fau pèr enaura l'imaginacioun dis enfant e pèr faire ama e amira tout ço qu'es bèu, tout ço qu'es grand e noble.

Vaqui perqué nous plais de saluda l'aparicioun d'aquelo poulido epoupèio, veramen patrioto, veramen naciounalo, e de la recomanda is istitutour de Prouvènço que coumprenon soun devé de faire d'eicelènt Français en fasènt de bon Prouvençau.

Frederi Mistral

Maiano, 7 de novèmbre 1910.

© CIEL d'Oc – Juliet 2009